

小溪志



小溪志卷三

祠廟

遺德廟 縣西南五十里舊名善政建國二德精完山  
廟唐太和中邑宰王元暉之祠也先是厥土連江  
每風濤作沴或水旱成災侯乃命採石於山為隄  
為防迴流於川以灌以溉自完山堰溉良田者凡  
數千頃鄉民德之立祠以祀後封善政侯宋咸平  
四年重修乾道四年賜額淳祐九年加封靈德侯  
元至正二年郡守王元恭按行水利致祭廟下建  
言鄆令王元暉於完山疊石為堰限截江河使湖

由江而達海水由堰而注河流及城邑潞泄有方  
後世永賴雖有侯封未足報稱宜從優加封爵以  
稱國家敬神愛民之意明時歲以十月初十日祀  
以剛鬣國朝嘉慶十年加封孚惠侯每歲春秋  
守土官具祝文香帛羊一豕一尊一爵三陳設祠  
內正官一人朝服詣祠行禮道光二十一年重修  
營東廡為從祀祠周志旁有報安祠中祀段公光  
清胡公元潔採訪

宋奉國軍節度使康憲鑑公億祀中室一

宋監明州船塢唐公意祀中室二

宋明州簽書判官廳公事張公必 祀中室三

宋鄞縣令龔公行修 祀中室四

宋敷文閣待制知明州軍州事秦公棣 祀中室五

宋祕閣修撰知慶元軍府兼沿海制置副使陳公

塏 祀中室七

宋觀文殿大學士沿海制置大使判慶元軍府吳

公潛 祀中室九

元鄞縣尹阮公申之 祀中室十

明鄞縣知縣沈公繼美 祀中室十三

宋直祕閣知吉州軍州事兼管内勸農使魏公峴

祀東室一

宋國史秘丞吏部郎官安公劉 祀東室二

元慶元路教授潘公夢桂 祀東室三

宋知鄞縣事虞公大甯

明甯波府推官魏公復琦

明鄞縣知縣沈公猶龍

宋禮部尚書王公應麟

宋直寶謨閣兩浙東路提點刑獄公事兼知慶元

軍府沿海制置司公事程公卓 祀中室六

宋沿海制置使司幹辦公事林公元晉 祀中室八

元慶元路總管王公元恭 祀中室十一

明甯波府推官朱公欽 祀中室十二

明鄞縣知縣洪公良範 祀中室十四

明甯波府同知黃公樸 祀中室十五

明甯波府知府鄒公希賢 祀中室十六

明鄞縣知縣魏公成忠 祀中室十七

明鄞縣知縣張公伯鯨 祀中室十八

國朝署鄞縣知縣周公樽 祀中室十九

唐佐理築堰十人 祀西室一

宋修堰耆民周四 祀西室二

明佐理修堰耆民王森胡仲道陳武王瀾  
三 祀 西 室

唐僧操公 像在侯左

唐縣尉李均

唐江使太尉 像在侯左

宋濤祐同知馮公德芬 像在侯右

宋濤化同知朱公達道 像在侯右

宋節度推官朱公伯幼 像在侯右

明萬歷同知龍公德孚 像在侯右

宋蘇為撰重修善政侯祠堂記祭法曰法施於人

則祭之能禦大災能捍大患則祭之是知聲光垂



於簡編德馨享於廟食者豈徒然哉善政侯瑯琊  
王公諱元暉冊封之典圖志載之備矣按有唐太  
和年出佩銅章字人海微時屬承寬之後躬行阜  
俗之化以勤儉戒游惰以誠懇敦孝慈貪夫斂手  
於袖間暴客屏跡於境外能使婚嫁有序博獨有  
依他民愁歎我則民諧手譙樂他民凋敝我則民  
豐乎衣食詩所謂愷悌君子民之父母者歟先是  
厥土連江厥田宜穡每風濤作沴或水旱成災不  
若採石於山為隄為防迴流於川以灌以溉通乎  
澗下之澤建乎不拔之基能於歲時大獲民利故

自它山堰溉良田者凡數千頃得非謂法施於人  
乎能禦大災乎則侯之為政也易俗移風惠其生  
民沐義浸仁澤及來裔使永永之世猶受其賜者  
不可勝數則子由治蒲之政西門投巫之酷諒有  
慚德今海縣宴清哲后求治一同之任非賢弗居  
太博王家轍玉筭之班假墨綬之袂去民之害必  
杜其漸興民之利必臻其源他日嚮侯之德聲謁  
其祠庭則門榛砌蕪曝露尤甚乃歎曰將何勸乎  
民吾將新之吏忻民懽風動草偃擇材揆日經之  
營之於是遷祠之基止堰之上使泛舟者賴其德

力農者懷其恩觀其廟貌羣飛軒墉蔽虧及其庭  
也則若聆乎片言升其堂也則如聞乎七絲我乃  
潔誠端簡享神於祠是使遺愛之道載彰嚴祭之  
禮斯備在江之澣祐我蒸民嗚呼侯之生也以子  
男之位能以善政被乎俗其歿也以正直之道能  
以不朽留其神向若為唐鉅僚列爵重位必能霖  
雨四海舟航巨川則貞觀之風不為遼哉知縣太  
傅譽播乎清華德施乎疲俗景慕先哲樹之休聲  
庶使享斯廟者知仁政之可尚也為通理侯藩備  
熟徽烈俾旌如在無愧直書其祠堂之棟宇宮室

之名氏請附之碑陰時大宋咸平四年歲次辛丑

六月初伏前一日記

國朝邑令周鎬撰加封記侯姓王氏諱元暉瑯琊人  
唐太和中以朝議郎行鄆縣令鄆今之鄆縣也瀨  
海枕江商賈輻輳魚鹽盈市時屬承寬之後民淫  
以佻盜賊充斥侯下車一以阜俗為本務勤儉尚  
敦樸戒游惰懲貪暴民返於淳境內大治鄆地中  
高外卑河水易竭海潮至則交通於河水味鹹不  
可食溉田輒腐民甚病之侯度地勢疏泉脈引完  
山之水曲折數十里達於城界石為隄俾江與河

截然分流以汲以灌民用饒足後人思其功立祠  
於它山之巔歲時祭享乾道中賜號遺德廟寶慶  
中勅封善政侯淳祐中加封善政靈德侯我朝  
嘉慶六年久雨水溢禾盡偃邦人大懼侯降臨於  
庭雨止水平歲則大熟邑紳具狀轉聞於朝十  
年六月奉旨加封孚惠侯命下之日鄞民扶老  
攜幼填塞廟門內外歡聲若雷嗚呼侯之加惠於  
鄞可謂至矣鄞民感侯之惠從而尸祝之廟貌之  
申請而褒封之其所以美報於侯者亦可謂稱矣  
易曰有孚惠心勿問元吉有孚惠我德言上有信

下(則下亦有信以惠於上)

下字下既九字

以惠於上故交乎也非侯其嗜克當之俗以十月十日為侯誕辰余以縣令致祭成請文其麗牲之石義無可辭其銘曰惟唐太和侯宰斯土惻惻欵欵作民父母民游則墮訓之以勤民巧則敬養之以真行之期年風俗大醕海潮游至內通於河鹹不利用旱竭則那侯曰無憂不見它山山下出泉其流潺潺匯而通之曷竭曷殫迺疏迺濬迺引迺翼迺鑿以石迺凝以鐵廣冊二仞崇卅六級江河分流山澤噓吸萬世永賴欲報罔極迺圖以像迺奉以祠迺請於朝顯之揚之帝曰都哉民不

可棄禦災捍患於禮宜祭穀實定名允矣乎惠士  
民捧檄歡呼若狂飲水思源爰薦馨香紀之豐碑  
沒世不忘

遺德廟從祀碑銘維唐王侯元暉來令鄖縣創宅  
山堰以蓄畜水而溉民田是有遺德之廟 皇朝  
道光二十一年里人朱大夫孝銓擴而新之工告  
訖其兄子壻徐時棟言曰於顯哉宮寢闕壯禮儀  
崇秩侯惠我桑梓縣人遠今不敢忘雖然自侯以  
來賢守令及鄉先生其克纘我侯緒修壞補闕滋  
澤利我農功者彰載牒記不可誣也今民食厥德

祀典莫舉奚以昭前猷而風來許於是大夫從于  
祺與徐君兆蓉相度東廡營室為位大夫從孫志  
霖剖其腴田用蠲祀事禮成謂時棟實始建議宜  
有銘詞鏡諸貞石時棟不敏謹再拜以銘銘曰茫  
茫澤國江河漫之截截强堰王侯莫之江水載濁  
河水載清載清載濁惟堰之乎在堰上流沙梗而  
鬱在堰下流水奔而逸我有賢守又有賢宰越我  
先正勤民勿怠有聞有礪有隄有塘資我挹注水  
流有常其在於今失其故道亦既旱止黍苗是槁  
凡歲大旱匪天降凶旱不為災匪天之功發棠匪



惠顯祖匪德清清泉流母俾我塞瞻仰侯廟配享  
有位宣私諸公以報況痺疥嗟諸公百世之師稼  
穡維寶敢告有司 煙輿集

宋舒亶題完山善政侯兼簡鄞令詩嗚呼王封君  
心事鬼出沒驅截長江河化作雲水窟旱火六月  
天萬棟掛龍骨蕭條一祠字像設何髣髴破屋夜  
見星漏雨溼衫笏杯酒謝車籌茲事恐亦忽我聞  
古先王報施必稱物矧今崇佛宮民力殆欲屈豈  
無制作手一為起荒第李侯仁賢資撫字良矻矻  
可但清似水方看健如鶻沈跡千載後行且見披

拂陰功世易忘遠慮俗多咈勉哉君母遲斯民久  
已憐

史弼甯詩槩曉輕船掠水飛乘閒來訪長官祠靈  
巖著色四時畫石瀨有聲千古詩華黍幾霑膏澤  
潤甘棠長起後人思伊渠不盡為霖意除卻梅梁  
誰得知

魏溥謁善政祠詩攜家再謁長官祠桂樹風吹遊  
子衣惠澤至今猶澍漫宮楹雖古自光輝梅梁偃  
蹇蒼龍伏石級參差白雪飛此地本非供翫賞  
人到此自忘歸

明李堂詩泉出四明山堰流歸澤土王侯惠且神  
血食宜今古

國朝徐志泰詩春暮冬初景物妍每當此候共陶然  
綠楊隄畔佳人路紅葉林邊醉客船蒼鹿經過山  
有跡野禽出沒水無天沿祠多少風光在畫裏行  
遊望若仙

鄭梁謁道德廟詩治水唐虞亟今來勢積輕公當  
臨縣日官只為民生廟古留松柏村荒儉橘橙許  
家橋餅脍猶自負虛名 四十三春日中天忽已  
斜龍眠仍舊石水注不迴沙公固當時柱人真狄

後花何如賣土偶新樣與年賒

新宅山廟 縣西南六十里宅山之行宮俗稱石潭

廟明崇禎初由宅山分建舊在裏石潭 國朝成

豐十年徙建今地柴旣智建縣志作柴智賢記誤

又桓村裏宅山廟亦分祀善政侯 徐志

國朝虞烈廢樸童家園重建宅山遺德新廟記鄞西

南石潭距宅山五里向有宅山遺德新廟歲祀孚

惠侯焉侯世居瑯邪姓王氏諱元暉一名元緯唐

太和中以朝議郎行鄞令鄞今之鄞也侯下車警

游惰革頑殘境內大治但四明山之水至宅山注

間

頽

江與海潮相流貫職不可食田無以溉民甚苦之  
侯規度地勢疊石兩山閘四十二丈級三十有六  
冶鉄灌之截江為二渠俾溪流達城市繞鄉村厥  
利甚溥民懷其德立祠於它山歲時祭言宋乾道  
中賜號遺德廟宋寶慶中勅封善政侯宋淳祐中  
加封善政靈德侯明嘉靖中欽賜冬祭我朝嘉  
慶中加封孚惠侯懿鏗孚盛哉侯之明德遠矣若  
夫石潭建廟以祀侯始於明崇禎中初在外石潭  
後遷在裏石潭以地名石潭號石潭廟實則它山  
遺德新廟也洎乎我朝嘉慶中廟貌傾頽廟址

亦復卑狹境下輒議重遷因向乞公錢不累歲庚  
辰柴翁禮鈞邀同志集一會越七年得錢伍拾餘  
貫於是權子毋積錙銖公貲漸裕不數年而禮鈞  
翁暨同志輩相繼謝世事幾有初鮮終幸柴翁賢  
智恪承父志持公事甚謹咸豐庚申集父老輩卜  
地得童家園拓址基隆殿宇迄同治丙寅告竣時  
公錢壹千叁百餘貫不敷所用賢智翁出家貲貳  
百餘貫以濟之始克完功今而後廟貌巍巍神靈  
顯赫俾託在宇下者厯億萬世而永荷神庥豈不  
快哉是為記

建畧廟 縣西南五十里相傳神姓杜 歲志

國朝虞烈廢重脩建畧廟碑記建溪之上有山焉轟  
立一十五峯狀如列戟蔚然而深秀故山即以建  
畧名洵鄞之西南一勝境也其間有廟世祀杜侯  
創祀之初廟未有址自俞公細五之妻戴氏同俞  
公細十六捐資置地新作殿宇得翰林學士馬公  
元演謨碑文以為記歲在元至正癸卯迄今閱五  
百有餘歲而遺碑尚存但年湮代遠碑字多曼漶  
不可知其可知者謂侯姓杜尊諱失傳誕生於五  
代時兄弟三人侯居季歿後神靈甚顯建隆年間

青州兵潰肆掠侯陰禦之拔出晷境民懷其惠而  
祀事之厥後水旱疾疫禱無弗應鬼虺孟騰概不  
為患馬公之遺謀有此按之皆宋初事也則侯之  
廟食於建溪所自來矣洎乎我朝乾隆癸巳境  
下馬翁克治監督重修殿宇孔固但閱歲無多悉  
被蟲蝕必改造而後可迨馬翁可傳糾成一會先  
營後殿建豎伊始而患病身逝馬翁有覺繼之完  
繕後殿并新前殿厥功始克告竣歷四十餘年殿  
宇又被蟲壞欲議改造而公產僅一二畝資無所  
出不克措手者久之咸豐壬子境下唐翁志炎司



其事爰邀同境人斟酌妥議捐得錢伯有餘貫自  
唐翁秉公積累遂致贏餘卒能拓址基隆規畫更  
新而光大之堅茨丹雘廓如亦煥如也復以所餘  
錢置民田十畝有奇殿宇益壯公產又視昔較多  
皆唐翁力也今而後巍峩廟貌得以永鎮建溪而  
祥風甘雨日醞釀於一十五峯之際而迄無窮期  
豈不幸哉豈不快哉是為記

棋檯南廟 縣西南五十里梅溪棋檯廟之分祀也

道光十三年里人王沛玉等重建 周志

棋檯東廟 縣西南四十里棋檯廟之分祀也道光

四年周端楨重建 周志

周朝董澗撰記縣西南蛟川之左有廟巋然宋以來  
崇祀孝子康公公廟食鄉者三在錫麓曰榑榑祖  
廟在梅溪曰南廟此曰東廟聞天迺邑乘載開慶  
間開時政修建而孝子時代壽里名氏迄無有傳  
者道光壬午其里人周子端楨同弟端楫葺而新  
之得一古碣字剝蝕不可卒讀然孝子之事與其  
生平行誼略見一二其年秋周子錄碣文郵寄予  
併索予誌之予時以風塵吏案牘日積寸許且素  
譔芳品足以闡揚公德因循六七年予解組歸頻

買舟與周子昆季相過從觴詠之暇道及孝子事  
敦促余文再四余不獲已乃記之謹按碣云公字  
用錫以避寇御母居錫麓母善病得楨榘食之輒  
愈公乞種他郡手植以奉歲大疫分以遺鄰無不  
瘳者洎歿鄉里懷其德建廟祀焉過大災禱即應  
公之福我民可不謂厚歟顧嘗覽曾遲齋寶嚴寺  
志以公為宋人豈因闡志宋開慶間修建一語而  
誤耶抑別有所傳耶是無從攷矣蓋聞之德施於  
民則祀之以公之德洽鄰右洵詩所謂孝子不匱  
永錫爾類者食報茲土誰曰不宜爰系以銘曰蛟

水兮淵淵陟山椒兮尋木李濃陰一葉兮分蔭千  
里樹豐碑而酬巧兮於萬斯年與明山而永峙  
撰植祖廟 縣西南五十里祀孝子康用錫宋開慶  
間里人聞時政修建相傳神事寡母至孝母愛食  
撰植手植以供鄉鄰有親病者乞其果食之皆愈  
後人思其孝德立廟樹所祀之 閩志

天興廟 縣西南五十里唐太和中郇令王元暉之  
行祠也宋建炎兵火巍然獨存嘉熙間旱禱之輒  
雨狀聞於朝賜額天興嘉泰初里人黃彥興修建

考

宋王應麟撰碑記句章漢縣也隋省入鄞唐以鄞  
為明州其後名鄉曰句章鎮曰小溪山水清遠地  
靈旁薄丞相文節魏公祀國史吏部安公劉居焉  
吏部之子松陽主簿庶謂余曰鎮之士神自唐迄  
宋分派它山廟食朝陽里耆老相傳說為天興惠  
我嘉師祥慶響舍建炎兵燬祠宇歸存嘉熙庚子  
扎瘡胥漸迺禮迺禳若有呵護家用平康咸淳甲  
戌旱暵苗將稿籲禱之翌日雲油雨沛甫田登成  
明年盜弄鉏挺津途梗塞闔境帖妥繫神之休其  
弭災禦患施及却壤非直福澤一方而已庶先君

頌

子率鄉士民控於郡守部使者轉聞於朝下儀曹  
奉常議奏賜廟額曰天興勅牒將頌而世故緼紛  
弗獲被成命然舊牘具在願書以詒永久余昔者  
長春官竇與聞斯事害敢不諾相古先民有周命  
祀違乎鄉遂水旱之不時於黨鄙乎祭之而正師  
泣馬疾癘之弗弼於族鄰乎黜之而師長泣馬正  
辭薦信義之修禮之藏惟以保艾受民自里社廢  
鄉禮缺越望非鬼之祭雜糅貫瀆是故有功於民  
則祀之著於祭法職在秩宗教民祈報勿替敬典  
無從匪彝無即恤淫禮之大經也惟茲有神式克

敷佐天氓銷沴為和易歎為豐成曰耿耿社哉夫  
神聰明正直而一依人而行士競於教農力於穡  
修其孝弟忠信惟德馨祀蘭鞠終古丕靈承嘏命  
以莫不興斯所謂民利而神降之福法宜書又為  
之詩曰神之徠颯肅然時雨暘介康年協氣翔妖  
厲蠲谿沍沍福如川神歸上駕飛雲興多祐監一  
純節春秋薦苾芬世世享穀我民元貞元年秋八  
月甲子記

石臼廟 縣西南五十里祀抱朴子昔葛氏煉丹藥  
臼在焉故名石臼又有湖山廟湖後廟皆其神也

薰

劉志  
地大 大夫范蘇公祀

明王嗣爽葛仙翁祠詩斜日荒祠弔葛翁鬚眉蕭

峴石盆空何年餌藥乘風去丹氣餘薰烏桲紅

潘君廟 縣西南五十里相傳祀宋監司潘鳳山志

蔣山廟 縣西南五十里蔣山之南執源志

唐君廟 縣西南五十里唐家堰左祀宋監船場唐

意意熙甯中由完山堰浚河引水自北而東又於

蕙江北開河一帶繞之以石民德而祠之 國朝

道光十九年里人全綸重建 周志

朱君廟 縣西南五十里相傳祀宋里人朱中穎志



童君廟 縣西南七十里廟有四一在金陸一在妙

智寺側一在李家畧俱分祀善政侯王元暉一在

雪山畧舊祀王元暉道光二十年里人洪良采據

光溪志改祀唐奉化丞董義 徐志攷光溪志董義乃後唐同光時

人其建橋築堰在奉化非它山也有誤

石甑廟 縣西南八十五里 徐志

山王殿 縣西南五十里寶峯畧外採石宕戶於道

光二十年創建同治三年復撤而崇之崔良璣記

徐志

懸慈廟 縣西南五十里獅山之麓祀唐孝子張無

朝  
多誤

擇宋淳熙五年燉里人劉大公移建後人即於西  
廡尚大公像祀焉 國乾康熙三十八年重修乾

光國記 周志

國朝全祖望志懸磁葑廟緣起懸磁何以名廟因懸  
磁之葑也懸磁何以名葑尚葑形也泉深不能及  
膝以竿採之自葑以下可至數丈歲旱諸溪俱涸  
而葑泉湧不竭說者以為自葑之上如從空中懸  
磁者吾攷懸甕之山見於山經則懸磁即懸甕之  
類皆取於象形殿廟之神為誰殆葑神也葑神則  
不應有衣冠而目而流俗廟必有象有象則設為

衣冠面目因其衣冠面目而別求其人以實之於是紛紛不一其說或曰是颺峯逸民乃萬厯末年有神扶鸞而降自道其生時事頗類漢之董徵君里人咸曰懸磁者懸慈也因孝而得慈猶慈谿之以徵君也然尚未質言其姓氏或以為宋殿前巡檢張寶建炎扈從來鄞會金兵迫避難重躄負其母入山其母度不能兩全投井而死寶亦殉焉故曰懸慈蓋因慈以懸孝予攷張寶乃衛士非巡檢扈從以鼓噪伏誅非投井無一合者而里人信之尤篤至大署其神曰張公或又以懸慈乃老僧之

名有道術嘗居於此歿而里人神之因為立廟是  
三說者皆改磁為慈遂并其地名而易之然不直  
曰慈慈廟而係之以葑則其為祀葑神也彰彰矣  
予故為之志其緣起

白馬塘廟 縣西南六十里舊在大峯乾隆十年改  
建今地相傳神嘗築白馬塘以資灌溉故立廟祀  
之 徐志

靈顯廟 縣西南七十里鄭世忠別廟在後隆山金  
谷園世忠墓所 開志

明董劬錡詩何事孤臣骨蒼山此共高艱難從故

主憑吊起吾曹古廟秋分社長松夜作濤里中訊  
父老猶自薦溪毛

銀山廟 縣西南七十里舊在銀山寺側道光間移

至唐家衙祀宋鄭世忠 鶴嶺志

王杜畧廟 縣西南七十里 徐志

顯湖廟 縣西南七十五里 錢志

壽隆廟 縣西南七十五里 錢志

燕山廟 縣西南七十五里舊名童君廟雍正間洪

水壞廟址里人奉像於禪巖寺內更今額 徐志

張武子廟 縣西南七十五里祀宋張良臣 徐志

蜜巖廟 縣西南八十五里祀宋戶部尚書陳顯左

祀宋儒游酢右祀唐觀陽侯應公輔道光二十五

年修建同治元年正殿兵燬四年重建 徐志

新豐廟 縣南四十五里俗稱下李君廟舊在羅家

潛明天啟中遷百梁橋大池東南 國朝乾隆中

重修道光七年里人擴大之楊紹修記 徐志

李君廟 縣南四十五里百梁橋南相傳神名均唐

太和中為縣尉佐縣令王元暉築宅山堰有功明

洪武間建 國朝乾隆二十六年重修李增記 錢志

李兵馬司廟 縣南五十里分祀唐縣尉李均以其

職兼兵馬司故名楊紹修新豐廟記 錢志

社壇廟 縣南七十里在下木峯一在上木峯名新

廟 錢志

董孝子廟 長春門外西南三里董母墓所 成化志

新福廟 縣西南七里明嘉靖間建祀建文時殉難

濟陽教諭王省 國朝蔣學鏞撰記 徐志

俞聖君廟 縣西南十里相傳祀宋勅賜應紀侯俞

充 周志

蕭王廟 縣西南十里祀漢蕭何 徐志

大禹王廟 縣西南十里嘉靖郡志訛為謝女王廟

國朝康熙二十六年知府李煦據聞性道呈改  
正問志

殷浦廟 縣西南二十里長板橋西神姓錢名岳清  
宋嘉定二年張宗義建聞志云神姓名不傳宋嘉  
定九年里士却思恭有重建記張宗義嘗修廟東  
之石橋與張司馬志異未知孰是 國朝道光十  
九年重修徐望記周志

劉侯廟 縣西南二十里分祀劉植洪武間里人張  
迥重修嘉靖志

會稽廟 縣西南二十里相傳祀大禹之神聞志



蕭侯廟 縣西南二十里相傳祀蕭瑀之神嘉靖志

風堠廟 縣西南三十里宋熙甯間令虞大甯築風

堠砌立廟旁以祀學士舒亶有記俗訛為風伯之

神 國朝康熙二十六年知府李煦據聞性道呈

改正又有新風堠廟在楊家境錢志

底浦廟 縣西南三十五里桃浦橋東舊名秋浦廟

建於宋先是積瀆砌西面港塞守樓昇浚之鄉人

立祠祀焉成化志

烏金廟 縣西南四十里烏金碛旁分祀王元暉徐志

力施廟 縣西南四十里相傳漢陳勝於唐貞觀間

嘗以陰兵捍衛鄉土故稱力施

嘉靖志

羊府廟 縣西南四十里石馬塘明崇禎間建分祀

羊僕 國朝道光五年重修虞定禮記

周志

明周昌晉撰記郡志名宦不載羊公僅見姓名於  
秩官表壇壝亦不載羊公廟其事僅附見於黃公  
歲傳中及元學士程端禮所撰飲飛廟記此祀典  
之未備亦修史者闕文之遺憾也然約略三復之  
亦可得其大凡焉按羊公名僕字公升唐僖宗中  
和州為明州守或曰權知州事云其同事則鄧令  
闕格也時盜賊蜂起公用格言授黃公晟鄞塘鎮

過使初黃公以倭陋不中募歸公能識而置之事  
權卒以保障一方此公任人之明也台寇劉文犯  
境公蒐卒擊走之其黨適居奉化黃公復挫其師  
以此再遷奉化都護防過兼飲飛副兵馬使此亦  
當是奉公號令率所部以靖屬邑又公發縱之功  
也傳謂郡城初築自黃而別誌謂公指授方略為  
之經始黃公合夫馬夫百雉雲興安得有黃公蒞  
公部下而不稟公裁者屹然金湯以壯海嶠此又  
公固圉之功也試嘗論世而臆之公任在劉文後  
鍾季文前當唐天網不整朝廷政令紊墜之日公

以權知州事保息子民予之小康亦既有年又畀  
州將略者為之干城夫黃公為公用者必公駕馭  
撫綏之才有過於黃者也不然黃亦非恬居人下  
者何待公與鍾公繼歿之後乃始自稱刺史民又  
何以終公之世不戴黃而戴公無攜志始知公不  
第功高鏢鑰要其忠澤乎決蔭越比於蔽芾者其  
深也先王之典有功及民則祀之而周公之書亦  
曰民功曰庸公德被斯民貽之千百禩遺惠久則  
彌彰遺思久則彌永而香火焜蒿亦久則彌馨有  
繇也公故有祠三其一北附郭門者最近其一東

在七里橋者差遠而亦近而西南數十里外趨薦  
祠下者重跡與沂流未便粉榆之社爰有虞茂賢  
者頡膺如干緡為倡合諸尚義者協舉之卜址於  
石馬塘之橋東畔蓋遐邇以是為五父衢也其工  
經始於天啟甲子斷手於崇禎癸未告落踰年而  
徵石言於予昔羊玄保歷會稽吳郡太守其為政  
去後嘗見思而叔子都督荊州軍事嘗遊峴山後  
人為之建碑立廟公豈其苗裔耶安知神之來也  
不以此地為峴山而魂魄長遊此乎李華之銘韓  
公廟曰生以功為臣沒以靈為神韓雲卿之銘崔

公廟曰功以殲災勞以定國昌黎之銘羅池廟曰  
生能澤其民死能驚動禍福之以食其土可謂靈  
也已於是借詮其事泐之麗牲之珉俟續修郡乘  
者採焉若俗所傳封爵加等非正史所徵信略不  
書銘曰有唐末造方輿搶攘於牒羊公殿邦之良  
殿邦伊何以勦以勦爰爾虎臣以總斧斯爰築環  
堵以鞏金湯用謐海溼汜於小康勞深保障功著  
封疆石祠樂社邠黍台棠神靈濯濯雲漢為章經  
八百禩惠派此方肇建原廟石馬之塘故其厦屋  
繚以周牆神之來兮雲旂霓裳神之臨兮羶香芬

芳以介景第霈澤滾滾尾斷蜂蠶苗鋤莠稂既去  
妖蠱載極災荒以保甯宇玄貺煌煌鼓鍾致敬祇  
以避殃放之克致百殃曷傷蘋蘩饗德匪以祈祥  
德之克饗百祥未央肅爽丕昭萬戶踰踰精誠斯  
存矯誣則亡溪毛澗芷荔丹蕉黃敢告吉蠲以誌  
蒸嘗庇我烝庶山高水長

靈顯廟 縣南長春門外世傳鄭世忠建矣間隨駕  
至鄆死於王事邑人義而葬之金谷里陳嶼後隆  
之原屢顯靈異開慶元年賜今額明郡守鄭珞祀  
南壇見神降壇改稱為靈感 國朝乾隆四十七

年里人以地湫隘遷建於後洋河仍復稱靈顯蔣  
學鏞記 續志

康將軍廟 縣南七里祀沙康之神宋元符間建舊  
在芝蘭堰後遷啟文橋嘉慶二十二年里人因地  
湫隘復遷於段塘之胡長漕林大諤記 周志

文昌閣 萬安橋北道光元年建 徐志

王伯厚先生祠 文昌閣北道光七年建 徐志

澤民廟 縣西四里九里堰旁唐大厯間刺史吳謙  
有善政郡民歃血而祠之宋王荆公宰鄆詣奉祀  
舊名九里廟又名吳刺史廟宋王應麟撰記 國



朝同治三年燬四年重建 徐志

石將軍廟 縣西九里望春橋外祀宋石守信元劉  
仁本撰記稱石將軍而不實指為守信明陸瑜記  
始實指之歲以五月十五日郡邑致祭 聞志

浮石廟 縣西十里宋知衡州薛朋龜歸休林泉有  
五老會置別業名新莊時適有石浮水來止廟所  
因肖像立祠故名浮石屢顯靈異元泰定間薛觀  
更新祠宇贍田一十三畝今祀宅山善政侯王公

明周應浙記 聞志

崇德祠 縣西十五里賣麪橋明副使陳槐嘗力主

湖民奏減租議有德於鄉嘉靖二十三年鄉人請  
於郡守魏良貴立祠祀焉明張時徹撰記嘉靖志

白龍王廟 縣西十五里靈波之別廟也寶慶志

三成廟 縣西十六里新橋右宋景定二年建分祀

鮑蓋宋制使吳潛記嘉靖志

德惠祠 縣西十六里祀明知府林富及邑儒士楊

欽正德八年後漸圯 國朝嘉慶十三年里人朱

學濂等集資重修道光十九年董澗等又修明陳

槐撰記徐志

聖女廟 縣西十六里石乳橋舊祀東漢孝女黃姑

狹土

由黃姑林分建康熙二十六年黃姑林廟改祀

大里黃公此廟未改徐志

鋒頭廟 縣西十七里祀宋楊沂中錢志

豐惠廟 縣西十八里俗呼樓太師廟政和七年樓

昇守鄉郡懇湖為田人為立祠嘉定二年府以

民之請上於朝賜廟額久圯至元三年重建推

况達為記至正續志

義忠王廟 一名梁聖君廟縣西十六里接待寺西

祀東晉鄭令梁山伯安帝時劉裕奏封義忠王令

有司立廟嘉靖志

宋郡守李茂誠撰記神諱處仁字山伯姓梁氏會稽人也神母夢日貫懷孕十二月時東晉穆帝永和壬子三月一日分瑞而生幼聰慧有奇長就學篤好墳典嘗從名師過錢塘道逢一子容止端偉負笈攜登渡航相與坐而問曰子為誰曰姓祝名貞字信齋曰奚自曰上虞之鄉奚適曰師氏在通從容與之討論旨奧怡然相得神乃曰家山相連予不敏攀鱗附翼望不為異於是樂然同往肄業三年祝思親而先返後二年山伯亦歸省之上虞訪信齋舉無識者一叟笑曰我知之矣善屬文者

其祝氏九娘英臺乎踵門引見詩酒而別山伯悵  
然始知其為女子也退而慕其清白告父母求姻  
奈何已許鄒城廊頭馬氏弗克神喟然歎曰生當  
封侯死當廟食區區何足論也後簡文帝舉賢良  
郡以神應召詔為鄒令嬰疾弗瘳囑侍人曰鄒西  
清道源九隴墟為葬之地瞑目而殂甯康癸酉八  
月十六日辰時也郡人不日為之塋焉又明年乙  
亥暮春丙子祝適馬氏乘流西來波濤勃興舟航  
縈迴莫進駭問篙師指無他乃山伯梁令之新塚  
得非怪與英臺遂臨塚奠哀慟地裂而埋璧焉從

者驚引其裾風裂若雲飛至董谿西嶼而墜之馬  
氏言官開柳巨蛇護塚不果郡以事異聞於朝丞  
相謝安奏請封義婦塚勒石江左至安帝丁酉秋  
孫恩寇會稽及鄒歠黨棄碑於江太尉劉裕討之  
神乃夢裕以助夜果烽燧燿煌兵甲隱見賊遁入  
海裕嘉奏聞帝以神功顯雄衰封義忠神聖王令  
有司立廟焉越有梁王祠西嶼有前後二黃裙會  
稽廟民間凡旱滂疫癘商旅不測禱之輒應宋大  
觀元年季春詔集九域圖誌及十道四蕃誌事實  
可考夫記者紀也以紀其傳不朽云爾為之詞曰

生同師道人正其倫死同寔天合其姻神功於  
國膏澤於民誼義誼忠以祀以禮名輝不朽日新  
又新

惠民祠 縣西二十里十字港祀明冢宰聞淵正德  
間儒士楊欽奏湖田折銀事淵在朝實與有力鄉  
人德而祠之每歲三月十九諱日湖民釀祭明周

相樸記 聞志

張循王廟 縣西二十里宋寶祐五年吳公潛既成  
高橋於其西作西廟肖循王像而祠焉王名俊高  
宗十三戰功之一也 國朝全祖望有改祀議 徐

薛將軍廟 縣西二十里高橋東北相傳祀唐薛仁

貴宋南渡時建 錢志

聖女黃姑祠 縣西二十里俞家宅跟祀昭惠廟神

黃伯玉之女舊在黃公林康熙間廟燬奉像於控

湖橋側之永慶庵道光七年移建今地 周志

黃公林廟 縣西二十五里漢大里黃公歸隱之處

地名黃公林故有廟嘉靖志訛為黃姑林廟云祀

桂林俞氏女

國朝康熙二十三年知府李煦據剛性道呈改正

咸豐九年祠下俞奎等捐貲重建費錢二萬餘緡



陳瑾碑記 徐志

明楊範詩郡志黃公墓鄉談河鼓林名成漢羽翼  
像設女冠簪老杜十姨廟小姑千丈岑淫祠多類  
此誰辨是訛音高字泰詩明山彌彌出甬水秦時  
乃是黃公里遺廟猶存野水邊不識何年化女子  
我來睹此笑欲狂原來舊史欠精詳當年綺角商  
山上蕭蕭白髮倚紅妝誰題天漢黃姑額不久又  
將變牛郎即乘猶傳古延祐清容編纂深甯授大  
書原是黃公林後人改竄何其謬何年一整廟貌  
新衣冠甚偉重瞻舊吁嗟乎諺俗沿譌何代無若

難遍洗粉脂污十姨新妝何日却江上小姑已嫁  
夫

國朝朱鉞詩商山聊寄采芝舄本是東西南北客偶  
然遊戲漢廷歸居鄉紫陌遠難覓就中黃公產吾  
鄧仲翔之對殊為真我嘗曳杖尋遺蹟荒村古廟  
修明裡低頭欲拜瞻遺像忽見笄珈少妹仿不知  
更易始何朝仰觀題額益輕妄公姑頓改聽誰誤  
牛郎誰讓織女座他年河伯婦稱尊竊恐又奪先  
生墓自從亥豕魯魚訛十姊五鬢強執柯當年孔  
門有高弟白牛頭角空差幾霄都峽深寒信早淮

齋

陰何幸薦蘋藻安得梁公同一炬妖祠淫祠薄焉  
掃吁嗟黃公生此時偉然衣冠何所施不如土偶  
加巾幘春秋高座飽牲犧張鷟黃公林廟謠祀女  
神詩人齋居廁中嗣皇縱淫醉野雞窺漢鼎或尤  
定儲計厲階老商山肯為留侯至咄嗟統傳嫡實  
惟今古義不見扶蘇死秦世僅以二追溯牝之晨  
厥罪乃在季當未晏駕時已預家國事殺戮諸大  
臣帝每承后意安能叔母儀翻於身後致乾綱歎  
久弛名分多創置陽縮陰自盈皆作巾幘視曷怪  
黃公林冠纓易珠翠搥鼓迎犧牲磬折羣巫侍

靈波廟 縣西二十五里廣德湖望春山即白龍祠  
祀神之主此湖者唐賜額靈龍特封廣德宣聖王  
宋熙寧七年改賜今額節軍張峒與光祿陳忠恕  
奉敕建 延祐志

白鶴山廟 縣西二十五里唐咸通間建祀守令之  
有功於湖者今專祀唐刺史任侗 國朝道光元  
年重修并請封典五年 勅封昭應伯董瀾撰記

周志

廣德湖遺愛廟 縣西白鶴山廟右咸豐元年建  
舊祀十七人增祀二人舊議祀二人

周志

唐鄞縣令儲公仙舟

唐御史李公後素

唐明州刺史李公敬方

宋奉國軍節度使錢康憲公億

宋知明州事邱公崇元

宋戶部員外郎知明州事蘇公耆

宋吏部員外郎直史館知明州事李公夷庚

宋刑部員外郎知明州事李公勉

宋從事郎張公大有

宋鄞縣主簿曾公公望

宋鄞縣令王文公安石

宋鄞縣令張公岫

宋左司員外郎知明州事馬公琬

宋鄞縣令虞公大甯

宋鄞縣令段公藻

宋吏部員外郎知明州事葉公棣

宋寶文閣侍制知湖州李莊簡公光

宋龍圖閣侍制知荆南府荆湖北路都鈐轄贈龍

圖閣學士舒公重

宋直秘閣左司員外郎兼檢正王公庭秀

唐明州刺史吳公謙

唐明州刺史任公侗

國朝全祖望撰增定廣德湖白鶴廟祀典碑吾鄉城外水利資於三湖小江湖廣德湖在西錢湖在東小江湖之為功雖由於王長官之堰而其湖道則固天作地成綿延至鏡川二十餘里非若廣德湖錢湖之開自人力也故歷久尚易支廣德湖三面平坦隄防尤難故卒為樓異所塞錢湖之欲塞者多矣僅而得存今不早則已早則東管尚恃錢湖以無恐而西管必失獲小人苟且以圖一切之利

其害無窮如此湖口有望春白鶴二山當湖未塞  
即山為廟一以祀神之主斯湖者即望春之靈波  
廟是也一以祀守令之有功於斯湖者即舒信道  
詩所云人指白鶴祠殷勤竊有請衣冠儼羣公一  
一畫真鯁斯人豈可作庶用薦遺東是也塞湖以  
來靈波之廟尚無恙而羣公香火則僅存一椽矣  
嗚呼愚民知有田可種之利而不知其害羣公當  
日之功今已漸滅則民之忘其祀也固宜甚至豐  
惠有額蓬萊有觀塞湖者及世享焉王正己之強  
辨况遠之記甯有念及前人之良法者夫湖之不



可復也亦明矣然吾以為湖雖不可復而廟必不  
可絕何也蓋神祇之享廟食固有因其功長存而  
世世祀之者亦有功止一時而卒莫之廢者羣公  
之有功於湖民實足左右夫靈波之神其不當因  
接異而斬祀也明矣況其英爽不與湖俱澌滅則  
未必不為湖民庇也故議重新其廟增定而列祀  
之湖興於魏晉之間其始事者無攷矣可攷自唐  
大厯中吳府君諫鄞令儲侯仙舟貞元間有任府  
君侗大中間已有謀廢湖者持之者為李府君滋  
方時奉使來驗不撓民以趨利者為御史李公後

素五代時大增湖塘者有節度使錢康憲公億宋  
潛化開釐正湖界者有邱府君崇元已而有蘇府  
君者天禧間增湖塘湖隄清湖界者有李府君夷  
庾景祐間又有請廢湖者持之者為李府君照奉  
使來驗不撓民以趨利者為從事郎張公大有康  
定間治湖者有主簿曾君公望慶厯間則王荆文  
公安石熙甯間有張侯峒望春白鶴之祠即張侯  
所建也元祐中有馬府君琬又有虞侯大甯段侯  
藻已而復有請廢湖者持之者為葉府君棣未幾  
而棣异至矣惟吳府君於故九里堰旁有專祠至

今尚存南渡而後力請復湖者則李莊簡公光雖  
非吾鄉守令亦并請以祀之嗚呼前輩於樓異之  
廟祀欲毀之者多矣方湖上之祀異也即在靈波  
廟中其後始別建今吾增定白鶴之祠則其當毀  
更可知也抑將使今之為民牧者瞿然知遺愛之  
所在雖其陳跡已亡而尚有思而報之者則彼欲  
廢東錢湖而田之其亦可以返矣湖之塞也西管  
之田遠資小江湖之水雖不能遍及然庶幾焉而  
今不治已甚洪水三壩僅存其一不聞水旱溪流  
入江者十之七梅梁淤入沙中不可復見不知是

誰之責也吾之為是舉也抑將使今之為民牧者  
矚然知遺愛之所在雖不能使廣德湖之復興或  
不至坐視小江湖之廢而莫之救將廣德湖尚可  
波及馬則是祀也其可以謂之無補哉

崇福廟 嘉靖志作標社廟縣南二十里宋紹興間  
進士沈中立率里人同建祀唐白居易明萬厯間高  
士沈明臣同相國沈一貫重修一貫請於朝封協  
慶侯沈延紀記 聞志

石塘廟 縣西二十五里分祀善政侯王元暉侯當  
建石塘碑月塘灣鄉人祀之 錢志

長沙廟 縣西南一百里相傳祀宋王忠植右殿祀

明太常莊元辰 徐志

大皎廟 縣西南一百里相傳神姓屠名孟堅 徐志

齋堂廟 縣西南一百十里神姓屠又有下齋堂廟

亦其神也 錢志

裴聖君廟 縣西三十五里潘畧山之陽祀唐大歷

刺史裴倣西廡祀明萬曆十六年求雨天井山院

龍義士徐善唐王密記 周志

啟孤廟 縣西三十五里資教寺西祀宋忠臣裴鏞

其地即鏞盡節之所今謠為天仙聖廟 國朝袁

鈞撰記 歲志

昭惠廟 縣西三十五里林村市其神姓黃逸其名  
東漢末人隱居仙女山下植柏於居前後人採食  
其葉可療痢疾水旱禱之輒應人懷其德立祠祀  
之舊名黃柏廟在聖女山巔後移林村市上神姓  
黃名伯玉東漢瑯琊人流寓於此以醫葯濟人能  
救旱潦後鄉人祠之祠前鑿井植黃柏二章宋慶  
厯明境中大疫神見夢於人令汲井採柏葉而飲  
之如言果效柏葉為盡經宿復茂紹定間又施藥  
戒陣揚旗敵弁主將詢其名曰吾四明黃伯玉也

移勘奏覆賜廟額曰昭惠清祐十二年封靈祐侯  
明隆慶二年重修舊在村西 國朝道光二十年  
里人以地湫隘移建今址陳景崧記徐志

明陸竇黃檗廟詩黃檗仙人廟青山日在門桃源  
秦不隔草敕家猶存豆薦溪毛冷香園土偶溫稱  
詩聞有後遺業落何村

誠應廟 縣西四十里蔣山北巖有靈致能興雲雨  
宋嘉定間攝守程覃禱雨有應奏賜今額清祐間  
拓基正宇魏峴為倡 國朝同治元年正殿兵燹

宋魏峴撰記徐志

忠烈汪王廟 縣西五十里即呂不韋廟基昔人因  
板倉立始皇廟迺立呂廟以壓之呂廟壞遂立汪  
王廟奉江南汪王以祀明嘉隆間并奉都憲默休  
先生玉像馬舊在大雷之錦溪 國朝康熙初遷  
繞溪道光二十年里人以地湫隘改建今址徐時

棟記 徐志

龍神殿 縣西南八十五里祀上化山石井龍神舊  
在龍眼井嘉慶間移建今地 徐志

錫山龍神廟 縣西南五十里錫山之麓嘉慶十七  
年里人周端楣修建周端楣自記一在蜃蛟衙里



人周一英一誠捐建 周志

顯濟廟 縣西南八十里天井山下有金線蜥蜴能  
顯壘興雲雨郡旱禱之必應宋嘉定九年賜今額  
其井凡五在山上開慶初勅封第一井龍神孚澤  
顯佑侯第二井昭澤顯利侯第三井廣濟應惠侯  
第四井和澤侯第五井應澤侯元至正二十六年  
江浙行樞密副使張啟原請旨易封第一井廣佑  
孚澤侯第二井廣利昭澤侯第三井廣濟潤澤侯  
第四井廣惠利澤侯第五井廣施顯澤侯明萬曆  
十七年郡丞龍德孚攝縣事修廟每歲六月十六

日記以剛鬣 國朝仍之康熙三十年邑令黃國  
鞏重葺道光二十年邑令周紹唐禱雨有應捐貲

重建宋張良臣記 徐志

袁忠臣祠 縣西五里望春橋東明天啟四年建祀  
宋忠臣袁鏞宋袁子誠二女買田三百四十畝於  
湖心寺為廣生田及創行堂等屋寺僧因於殿後  
立祠奉子誠每歲集素氏子孫祀之明嘉靖間尚  
書張時徹廢寺為書院素氏哀爭之不得時為構  
訟天啟間復訟於御史田惟嘉不言祀子誠言祀  
忠臣鏞以聳其聽乃斷以償價若干建祠於此郡

守王念祖因肇祀馬歲祭用羊豕酒果其費取鄞  
縣河棚無礙稅銀 國朝全祖望撰銘 敬止錄

韓千戶祠 縣西南七十里普濟庵內祀明殉難武

德將軍驍騎尉甯波衛左所世襲正千戶韓綱咸  
豐元年叛建徐時棟撰銘 周志

童孝姑祠 縣西南五十里建畧大橋祀宋童八娘  
採訪

宋姑祠 縣西南七十里普濟菴內祀宋宋蓮徐時  
棟記 徐志

鄞江義火祠 縣西南五十里嘉慶十二年建道光

二十五年重修徐時棟記 烟巖樓集

城南書院 表正獻公之家塾也始為正議樓公講  
堂正議遷居城內西湖正獻之高祖先祿以高弟  
講學其地遂世居焉全祖望記 鮑埶亭集

桃源書院 縣西三十里宋鄉先生王說以其家酌  
古堂為之教授鄉里熙寧九年神宗御書桃源書  
院四大字賜馬元至正末鄉儒張文海重建明天  
順間再構嘉靖初張發復侵地新建未幾延燬其  
後官取民田為察院撤此址以償其遺跡遂泯全

祖望記 附志

朱氏義莊 在縣西南三十五都五番宅山廟東道  
光十三年里人朱孝銓建義莊一區置田三百餘  
畝即於莊內建齋屋四十餘間分二塾延師課族  
子弟顏曰真吾義塾楊九畹記周志

柴縣令第 縣西南五十里宅山之北建畧之南舊

名古小溪港今呼柴家河明縣令柴竹崖所居新

柴涑和胡小渠包瑞溪署中春日聞鶯詩畫靜鳩

鳴深院關春光一別幾時還素心自許澹如水青

鬢誰能長似山雲漢却思馴鶴舞風光不動野鷗

閒從容退事渾無事須是身兼吏隱閒

1  
2  
3  
4  
5  
6  
7  
8  
9  
10  
11  
12  
13  
14  
15  
16  
17  
18  
19  
20  
21  
22  
23  
24  
25  
26  
27  
28  
29  
30  
31  
32  
33  
34  
35  
36  
37  
38  
39  
40  
41  
42  
43  
44  
45  
46  
47  
48  
49  
50  
51  
52  
53  
54  
55  
56  
57  
58  
59  
60  
61  
62  
63  
64  
65  
66  
67  
68  
69  
70  
71  
72  
73  
74  
75  
76  
77  
78  
79  
80  
81  
82  
83  
84  
85  
86  
87  
88  
89  
90  
91  
92  
93  
94  
95  
96  
97  
98  
99  
100

小溪志 卷四

寺觀

寶巖寺 縣西南五十五里舊號孝善觀唐德宗十

二年建宋大中祥符六年賜今額元至正八年重修二十五年圯明永樂間重建山門外立牌門一

座上有錫山二字正統十一年建法堂天王殿著

衣亭成化十七年重修大殿嘉靖二十二年重修

法堂四十四年重建佛殿萬曆二十八年重建法

堂 國朝康熙十一年重修并建天王殿有二石

塔及松竹亭 四明山志

明林時對撰重興碑記古名藍精舍非得大智慧  
人宏施法力將破砂盆赤手扶起何由俾猊座現  
莊嚴之色而蓮臺成妙相之果乎今之主叢林法  
席者憑藉先人現成餘蔭踞方丈掉精拂子弄野  
狐涎亦何足道即有靜棲巖穴者於十笏園瓢把  
茅葢頂穿蘿蔽膝此誠易易耳孰能從寒烟蔓草  
中將百餘年頽陀墜之基孤身締造非本誠心  
發大願從三寶起念不生退轉不染絲毫亦安能  
令浮圖七級自我合尖崇山九仞從今增峻如我  
霖公之於寶嚴者何可不記勲鴻篆銘績龜趺哉



寶巖在錫山之麓距郡五十里而送郡治脈皆發  
源於錫蔥菴抽天泉泓甘潔而蘭若因之構焉肇  
於唐元和初名孝義院宋大中祥符間始賜今額  
所存佛殿則嘉靖時西溪本燿法師所建也天王  
殿落成歲月失記大約與佛殿相後先云中間興  
替靡常燬創不一而主院事秉教鐸在宋則有指  
南韶敏中惠在元則有嗣曇明則有志桓寶璣守  
寅洎恩浴海西溪燿寶巖宣帝甯厚諸公或著集  
或刊經或修大殿法堂天王殿寒碧亭諸工俱載  
在天台誌成化誌及統紀諸書然諸公所嗣法者

孝

皆剛揚台教未有所謂敲唱雙行遍移頓悟者歲  
戊申主僧靈煜始延請九峯爐雪慧禪師開堂說  
法易教為禪雪師為天童木老人白足行金粟宗  
風一時耆德響臻放光動地而殿宇將圯廊廡半  
毀雪師目擊恻心欲漸次葺理經營方始遽爾西  
歸有辜夙願謁霖沛公乃雪師法嗣時為都監欲  
繼先志一力肩承庚申十月重建天王殿辛酉奉  
雪師家嗣天衡呈公繼席提唱宗乘越一載霖公  
辭職出山往天童依山曉哲禪師典藏甲子歲衡  
公應晉濟之請削牘同聞緯三考康里中檀信復

迎霖公一二月公自天童卓錫至家風重整百堵  
俱興於是金碧頡輝丹堊並煥璵瓊寶相輝煌耀  
目丁卯秋天王殿工峻又翼以兩廡繚以重垣一  
切櫺寮倉庫庖福之屬纖悉周備自此暮燈晨香  
開鉢而飯下單即寢雲水駢集遂成叢林然一椽  
一石一粒一銖罔非師教衣糲食藟足芒鞋冒雪  
霜蒸炎熱辛勤拮据所就其勞動當與四山烟雨  
雙泐漾波並在人耳目間千百世何可誼也蓋真  
為三寶者以無住為常住以法事為身事理契平  
等智應自然始能水到渠成圓滿回何昔如來之

向

叙九品以至識為宗智之造十輪以信心為尚今  
不乏緇衣者流而藉口梵刹廣募檀施徒為自利  
地耳能竭智殫思實實從三寶發念如霖公者有  
幾人哉是其至誠信心宜壽之貞珉以勸來禩後  
之嗣法說法者尚有感乎斯文

宋舒亶詩四山烟雨收雙沼漾晴碧白鳥忽飛來  
點破簷前色

明戴浩詩不到招提二十秋至今勝境騁遨遊曾  
聞說法龍興鉢每值談經石點頭踏破白雲輕馬  
足掣開翠露入詩眸上人落老今何在手澤綿綿

與世留

梁寅和遊寺詩為問真如不二門寶坊深入絕巖  
氛高談席散花臺雨清卧衣寒石榻雲滿壑泉聲  
宵閣外連崖樹色曉溪瀆相攜共訝巖廊容隨喜  
旃檀度暗薰

陳大章遊寺次韻詩祇園幽鎖白雲阿好趁春光  
載酒過乍聽鐘聲知客到緩嘗茶味解醒多蒼苔  
滿點溪頭石香草高樓燕子窠暫借烟霞消俗慮  
繩牀乘興共磨歌

張邦奇詩亂峯堆裏禪居隱落松風興無盡山僧

喜遠客來手把長鏡刷新筍

沈明臣詩山口帶湖唇秋光媚  
行客高樹半青黃  
澄潭湛寒碧一徑入逶迤  
荒林鐘磬僻紀寺屢廢  
興殘碑在東壁因知蕭夫子  
乃是顯土跡空墳僅  
千秋但有荒苔色回首問白雲  
何時再來得

楊承胤詩海雲乍遠近一徑轉  
虛無建水千巖落  
錫峯當殿紆春蒸石佛潤香冷  
寺僧孤尚有蜂房  
劉官家章不祖

國朝李裕全遊寺詩名山久寤寐  
正壑屬今想招攜  
在首春適逢駕輕舫近谷草木  
疎心目忽已朗梅

澗

花映空翠一路得清況林鳥鳴猶澁流泉暖初漾  
玉屏秀迴合壞剝見古牖孤磬齋廊寂長松寺門  
響同心四五人徘徊碧溪上微陽告將夕澗西轉  
蒼莽此去芙蓉峯遠隔幾尋丈其中多異人靈區  
或來往幽竒予所嗜公等出塵埃何當旦夕來相  
從白雲廣

王日章遊寺詩行盡梅花徑微茫露梵宮三千闕  
世界十五列山峯蹟欲尋寒碧塵還隔軟紅高僧  
去何處多在白雲中

金巖寺 縣西南五十五里 徐志

寶壽寺 縣西南五十五里初為華藥巖龍湫庵宋  
淳熙間建景定三年請移杭州廢寺寶壽院額歸  
寺久廢 國朝順治十五年買基於梅園復建近  
山有庵亦稱寶壽 附志

案曰今俗稱梅園寺者疑即寶壽遺址

碧溪庵 縣西南五十里宋魏文節公杞建明初徙  
建 國朝僧照空重修今為尼庵 附志

永豐庵 縣西南六十里舊名萬濟俗稱懸慈庵案  
附志云唐僧元亮結憩於此有葑曰懸慈故名攷  
三茅志翻石江注唐令王元暉與懸磁和尚築宅



山堰懸磁即元亮亦作懸慈地蓋以僧得名不曰  
元亮而曰懸慈沿俗稱也聞志謂以葑故名未審  
所據徐志

冷水庵 縣西南六十里巖有潭水味甚甘冽康熙  
十二年重修雍正八年又修咸豐七年葺新之徐  
兆蓉記徐志

明龍德孚聖泉銘寸田尺宅一竅渾成六丁運斧  
天一聚精如冰斯寒如璧斯瑩激之不濁澄之不  
清取之不竭積之不盈無垢無淨無減無生是謂  
聖泉用以洗心

四  
柳林陰詩  
剛向它山沒  
谷一鏡池  
曷飲  
滲心骨  
空使  
廣寒冰

國朝徐志泰詩  
徑轉松風幽  
嶺紆山勢聳  
於此葺招提  
檐前諸翠擁  
中有小穴通  
寒泉常自湧  
一飲齒乍驚  
再飲神亦悚  
石雲復蒸人  
毛髮幾欲動  
長夏每經過  
使我消煩冗  
但覺寒氣多  
不覺暑氣重  
火龍縱有權  
恃此以無恐

鍾繹詩  
尋涼來此地  
不必覓奇觀  
一勺清泉冷  
千年高樹寒  
茅檐盡亦靜  
松舍小常寬  
塵世煩熯甚  
淹留漫整冠

頭陀巖庵 縣西南六十里明萬曆四十五年建因

巖為屋盛夏不沾暑氣

明志

明周應辰詩頭陀未是浪傳名漏影還留石現成  
轉向行邊雙片裂尋知坐處一層擎山雲值北寒  
常護關竹當前翠欲迎放我午參隨鳥到消他香  
飯總春聲

國朝夏玉文詩何年懶石化頭陀任彼狂風驟雨過  
半壁嶙峋開戶牖一蹊屈曲引松蘿爐香月色迎  
禪定鶴舞猿啼代咏歌歷盡寒暄終自在不須粧  
點學偏頗

地藏庵 縣西南六十里亦名地藏殿 關志

白雲洞庵 縣西南六十里 錢志

普和寺 縣西南五十五里漢乾祐二年建名靈影

關志云以響巖嘗現佛影故名宋慶曆七年賜今

額久廢明正統間重建天啟元年重建佛殿 國

朝康熙八年重建前殿兩廊 關志

天王寺 縣西南五十里舊號天王院唐咸通十三

年建宋大中祥符三年賜額普甯乾道間里人朱

世則施大藏經建夕陽閣以藏明洪武十五年定

名天王永樂間僧併聖壽寺宣德八年重建山門

天順七年建兩廊及塑四天王像萬厯間重修

國朝康熙六年建僧堂

朱志

興教寺 縣西南五十里舊號小溪興福院唐咸通

八年建宋治平元年賜今額熙甯末僧仲明拓建  
明正統十年建山門方丈廊廡塑四天王像後廢

國朝康熙六年重建宋劉袞記

聞志

聖壽寺 縣西南五十里唐咸通五年建宋太平興

國三年賜額建炎兵燬紹興間重建明崇禎十三

年復建 國朝康熙間建齋樓宋僧希顏撰記

聞志

蓮社庵 縣西南五十里舊名蓮花其上有華嚴構

坐禪室 開志

上蓮花庵 縣西南五十里僻在山巔遊人罕至

談助

懺雲庵 縣西南五十里即中蓮花庵同治四年重

修又有下蓮花庵今更為山莊 徐志

看經寺 縣西南十里舊號明福院宋乾德二年建

治平二年賜額普照明洪武初改今名久廢成化

元年重建正德間重修 國朝康熙三十七年燬

三十九年僧本行等重建夏廷元碑記 開志

承天寺 縣西南十里宋乾德中建號東安院成平

六年改承天院政和七年御筆改能仁院俗呼南  
承天咸淳間燬重建明洪武初圯永樂間僧併資  
福寺正統二年建山門洞橋景泰初重建佛殿方  
丈復置柘嶺塔頭庵後圯 國朝康熙間復興僧  
舍 聞志

布金寺 縣西南二十里宋寶元二年建治平二年  
賜額明天順六年重修佛殿八年建山門成化元  
年重建兩廊塑四天王等像嘉靖三十八年重修  
國朝順治間程行祥捨田百畝永贍香火十八  
年建大悲殿康熙十八年建大殿 聞志

泮遠庵 縣西南三十里千丈鏡明時建 國朝陳

時臨記 州志

普光庵 縣西南三十里鳳儀橋北舊有梧楸二木

在橋旁因呼梧楸橋庵元至正十年里人楊輝全

僧無礙建 成化志

忠光寺 縣西南三十里唐咸通八年建名小江家

大中祥符三年賜今額明洪武二十九年圯 國

朝順治間重建康熙間重修 州志

桃源庵 縣西南三十里元至正間建 州志

禮迦庵 縣西南三十里車何扇明時建 州志



普濟庵 縣西南四十里俗稱祝嘉橋庵 徐志

普渡庵 縣西南四十里石馬塘元時建 國朝僧

法贊重修并建水閣 聞志

法濟庵 縣西南四十里元至正二十五年僧志中

建 國朝咸豐三年重建 徐志

寶福寺 縣西南五十里 錢志

萬壽庵 縣西南五十里明時建 聞志

德濟庵 縣西南五十里明時建 聞志

卓錫庵 縣西南五十里 錢志

祇樹庵 縣西南五十里初名祇園 聞志

奎聚庵 縣西南五十里俗稱三星橋庵 徐志

奉親庵 縣西南五十里孝子奉親之所 聞志

白雲庵 縣西南五十五里 徐志

稟新庵 縣西南六十里在鮑家砦明宏治間建 聞志

翠竹庵 舊名清源寺縣西南六十里 徐志

廣濟庵 縣西南六十五里久圯同治八年拓基重

建 徐志

佛蹟庵 縣西南六十五里後梁開平間耳相禪師

結茅後廢明洪武間初建殿宇崇禎間重葺後巖

有佛蹟西有山穴可容百人久廢 國朝康熙二

十六年重建鄭梁記周志

雲石庵 俗稱巖庵縣西南七十里錢志

清修寺 縣西南七十里清修山下舊號清涼院宋

乾德二年建大中祥符元年賜今額淳熙間重建

明時屢加修葺 國朝康熙六年僧道元葺靜室

於山左聞志

禪巖寺 縣西南七十里唐貞元元年建東有巖穴

可坐百餘人舊言法師修道之處因名寺曰禪巖

宋建炎間燬元至順間重建至正間復燬重建今

圯明時屢加修建聞志

銀山寺 縣西南七十里唐時建明萬曆間廢 國

朝康熙三年重建咸豐間重修 徐志

陽堂庵 案聞志作臨庵舊名陽縣西南七十里宋

天井寺道安禪師結茅處有羅漢巖娑羅灣古蹟

聞志

定光寺 縣西南七十里舊號定光院唐咸通元年

建宋治平二年賜額法忍儀同高文虎請為功德

院明洪武間仍名定光永樂間僧併聖壽寺正統

九年重建佛殿後圯 國朝順治間重建 朱志

灌頂寺 縣西南七十里舊號頂峯庵宋建隆二年

建大中祥符三年賜額普淨明洪武間改名灌頂  
永樂間僧併湖心寺後燬正統五年重建復圮

國朝康熙十年重建殿宇 朱志

天井寺 縣西南七十里舊號天井院宋建隆元年

建治平元年賜額天壽明洪武初仍名天井正統

十年重建方丈景泰元年建山門重塑佛像四天

王像萬曆間重修崇禎間燬 國朝順治十一年

重建法堂兩廊及五井龍神祠同治元年燬於茲

僅存前廡宋周銖記 徐志

妙智寺 縣西南七十里舊號觀音庵漢乾祐二年

建宋治平元年賜今額熙寧四年重建佛殿尚書  
豐稷請為功德院建炎間建觀音閣元至正間燬  
明永樂間僧併寶雲寺正統十年重建 國朝康

熙間復建宋郭受記 周志

彰聖寺 縣西南七十里舊號峒山院峒山東南  
支畧峯環合狀若芙蓉唐光啟二年建宋大中祥  
符元年賜名彰聖嘉定二年參政樓鑰請為功德  
院賜報忠福善額元時復名彰聖泰定四年重建  
殿宇至正二十五年圯重建明永樂元年重修後  
廢僧併杖錫寺宣德三年創建方丈又建一軒扁

曰霞上室正統四年建八函亭揭四明山額隆慶  
間重修萬厯間縣令楊芳廉得寺所侵學山萬三  
千餘畝仍歸之學 國朝順治間燬康熙間重建

咸豐十一年兵燬同治六年重建大殿 徐志

空相寺 縣西南七十里舊號四明保安院晉開運  
二年建宋治平二年賜今額紹興十一年重建佛  
殿明永樂間僧併聖壽寺崇禎初僧隆勝鼎新之

周南記 閩志

寶積寺 縣西南七十里唐清泰元年建名總持院  
宋乾德中復建大中祥符三年僧文政興造歷慶

歷六年而成治平三年賜寶積額元祐間僧宗瑩  
建經行軒披風亭建炎間廢乾道三年重建明嘉  
靖間重修 國朝康熙間重建法堂宋僧洞真記  
開志

廣惠庵 縣西南七十里元大德元年僧友雲建  
教  
錄

福林庵 縣西南七十里元至治二年僧梅峯建  
化  
志

碧雲庵 縣西南九十里依巖為屋下有龍湫夏月  
旱時見水自石罅出雨即至同治元年兵燬五年



重建 徐志

仗錫寺 縣西南一百二十里唐龍紀元年建天祐  
三年吳越王賜金額宋天聖四年修己自太白山  
來主寺事遂成禪林寶元二年賜額延聖寺前有  
石巖高丈餘上刻四明山心四字乃漢隸也元季  
重興明洪武初仍名仗錫永樂三年燬宣德六年  
重建正德間廢復修 國朝康熙間重建乾隆間  
復廢嘉慶間興復新建禪室二十餘楹明烏斯道

撰紀績碑銘 四明談助

長春庵 縣南長春門外有長春塘以捍暴流因固

塘築基構庵以守同治元年兵燬十一年重建徐志

柳亭庵 縣南二里城中境清寺之子院也唐天復

二年僧鴻紹建名水陸院後因柳使君改建名柳

亭宋元祐間建為維衛佛塔又名塔頭庵明崇禎

間重建明錢文薦記州志

歸津庵 縣南三里元至正間建名雨水浴院明萬

曆間重修 國朝康熙間重葺置香燈田道光二

十一年毀於夷二十三年壽昌寺僧寶善重建明

余長宏記徐志

真相庵 縣南四里沈店橋左宋寶祐六年僧道錫

建後圯元至正間重建成化志

崇法寺 縣南五里舊號焚化院宋乾德五年建大

中祥符三年賜令額建炎間燬後重建明永樂間

廢天順八年重修方丈等屋今號祖闕者即此寺

前有撒骨淨土地 國朝乾隆九年重建門外有

保心亭道光間重修大殿并山門十九年重建保

心亭宋蕭真記徐志

仁壽庵 縣西望京門月城內道光二十一年毀於

夷擾咸豐二年僧雪峯重建徐志

西壽昌寺 縣西二里篠牆北宋淳間僧慧通因在

新有脫字

城壽昌寺燬徙建於此元時原基重建遺留本寺

明永樂間復建今為尼庵 國朝咸豐十年燬同

治四年重建 徐志

水月庵 縣西三里元至正十七年僧宗義建 成化志

海會寺 縣西五里元延祐元年僧妙壽與其徒募

緣得地十餘畝築屋二十餘楹以接四方名海會

庵至正二年建額為寺明洪武二十三年重建千

佛殿三十一年建舍利浮圖并塔殿永樂六年建

僧堂隆慶間重修佛殿萬曆三十二年重建千佛

殿正印慧日兩堂東西廊宇 國朝順治四年重

修殿宇十四年建彌陀殿康熙十年重建山門及諸佛殿乾隆十六年舍利殿圯五十年重建嘉慶間重建後殿元素楠記 四明談助

白雲庵 縣西五里俗稱西成橋庵 錢志

法華庵 縣西五里元至正五年僧道祥建 成化志

福德庵 縣西七里俗呼姚家庵元至元十四年里人姚浩捨基建明洪武十五年徙建鑿湖之東正德間復建萬曆間重修 明志

蓮華庵 縣西十里 錢志

福聚庵 縣西十五里舊名丰湖庵咸豐九年重修

更名名 徐志

普靜庵 俗稱半路庵 縣西十五里 錢志

接待寺 縣西十五里 國甯寺之子院也 宋大觀間

建永樂間廢僧併資教寺 國朝康熙間重建嘉

慶二十四年建法堂 徐志

大有庵 縣西二十里十字港 錢志

圓通寺 縣西二十里 宋宣和六年僧大得建 明永

樂間廢僧併聖壽寺 國朝順治間重建 康熙二

十年建佛殿僧堂 乾隆三十四年重修 徐志

國甯寺 縣西二十里 宋大觀二年建 賜額元至正

開佛殿圮餘屋重修明永樂間廢僧併資教寺正  
統二年重建 國朝順治五年徙建今地康熙九  
年重修開性道記 開志

景德寺 縣西三十里宋寶祐元年建後圮明宣德  
間僧宏略重建 成化志

資教寺 縣西三十里舊號廣德院周顯德元年建  
宋端拱元年重修治平元年賜今額明洪武二年  
圮七年重建法堂方丈二十八年重建佛殿後圮  
景泰元年重建大殿山門後勅葬吏部尚書屠瀟  
於此山遂徙建五嶺之東天啟間重興 國朝順

治明建齋樓康熙間重修寺宇咸豐三年又修家

陳戰撰記 徐志

普濟庵 縣西三十里 開志

永明庵 縣西三十里 錢志

林塘庵 縣西三十五里今稱茶亭庵唐大歷間僧

道林建後圯元至正間重建明宏治間重修 園

朝新建廊樓同治元年兵燬八年重建 徐志

資福寺 縣西三十五里唐光啟二年建光化四年

賜名廣學同光四年改名隱學宋咸平三年賜額

資福大中祥符元年改名資壽後為參政宣繒功



德寺元泰定間燬重建明洪武十五年定名資福  
二十六年重修佛殿方丈及環翠樓 國朝順治  
十六年重建佛殿塑佛像寺內有蓮花池曾闢雙  
頭蓮 明州雜詠註

方廣寺 縣西三十五里舊號泗洲院唐咸通十一

年建宋治平二年賜今額元至元十五年處士周  
塾捨田四百二十四畝乃於殿西建祠祀之明永  
樂間佛殿圯惟伽藍殿存僧併資福寺正統間塾  
孫用濂重建萬厯間重修佛殿 國朝順治十二

年重修康熙十年建山門塑四天王像同治元年

尚

燬於寇僅存廊廡 徐志

永寧庵 縣西四十五里 同治元年兵燬七年重建

徐志

龍窟庵 縣西四十五里一名錫靈峯 徐志

福靈峯庵 縣西四十五里 徐志

翠山寺 縣西五十里舊號翠巖境明院 唐乾甯元

年建宋大中祥符元年賜名寶積崇甯五年建輪

藏建炎間郡守吳懋施財重修殿宇嘉泰四年參

政張孝伯請為功德寺賜移忠資福額嘉定十五

年燬十七年復建明洪武十五年定名翠山嘉靖

三十五年燬十四年重建又建慧日堂崇禎末  
又廢國朝順治中修復康熙三十七年建佛殿  
廊樓四十三年建山門裝四天王像方丈側軒扁  
為雜華世界寺前有大石橋宋張孝伯所建宋馮  
溫舒記四明談助

巖庵 縣西五十里 徐志

甘澗寺 縣西五十里大雷山 徐志

香冢庵 縣西五十里初名霞樓 聞志

桃浦庵 縣西南四十里桃浦橋西有塔高五丈餘

宋宣和間建以鎮地元至正十九年僧善遇因塔

象

建庵成化志

大音庵 縣西南五十里在洞橋內門臨魚貫橋支  
港明徐太僕之垣建今正廳已燬惟在澗樓尚存  
四明談助

錫山庵 縣西南五十里元至正二十四年僧應祥  
建明永樂間廢僧併觀音寺 敬止錄

松巖寺 縣西南九十里舊號小溪松巖院晉天福  
九年建宋治平二年賜額慈恩有秋江湛師者遊  
方至此趺坐石上俄而虎踞其側山民異之為建  
精舍乾道六年里人朱世則施經置室明洪武初

仍名松巖永樂間圮天順六年重建佛殿山門天  
啟開又建旋廢 國朝康熙間復構乾隆間重修  
同治元年兵燬黃百家記 徐志

鳳山寺 縣西南七十里舊號鳳山院唐咸通七年  
建宋治平三年賜額法慈明天順六年燬七年建  
方丈佛殿廊廡山門 國朝康熙間復建咸豐十  
一年兵燬同治五年重建 徐志

重建鳳山寺記六經無佛字即唐虞亦罕言之漢  
明帝時由天竺始入中國厥後教化盛行此所謂  
有其舉之莫敢或廢也已吾鄉鳳山寺始于唐咸

德

通七年舊在小溪教錫墩宋治平三年賜額法慈  
明天順年間御史徐公遷於竹節嶺之下洎乎  
國朝康熙間我族有尚志公復遷於柴河項家寨  
成豐壬戌之冬寺被火毀迨同治丙寅我岳翁朱  
公志懋倡議重建時我父渝昭府君慨然出已貲  
以佐之不期月而告竣殿宇煥然一新時望年未  
弱冠未識寺之巋末不能援筆以書今忽忽數十  
年矣賴父師之教幸得從事於詩書而茅塞頓開  
然猶憶陽明王先生之言佛者外國之聖人聖人  
者中國之佛以彼用之外國則可用之中國則不

可儒釋之辨先賢輩論之詳矣吾儕小人愧無造  
道之基而遽議佛教不亦見笑於方家也乎

伴竹軒集

天齊觀 縣西南五十里在建畧廟右俗稱東岳殿

宋南渡時建世傳建畧為老社宛山為新社 圖

朝光緒辛卯重修 採訪

重修建畧天齊觀記余嘗讀唐書至開元之際明

皇十二年封泰山神為天齊王然後知天齊會之

所由興也吾鄉建畧向有東岳殿不知創自何時

李唐之世文獻無徵以雲濤觀碑文攷之大抵在

趙宋時即如青陽天監等觀皆由此而分派俗呼

謂

建器老社柱有四名曰福壽康寧實則完山圖經  
所設天齊觀也洎乎 國朝歲久將圯光緒丁丑  
里人唐巽泰王松鶴唐景高孫寶壽姚秉璜馬光  
渭等倡議重修緣缺乏公銀不得已糾集同人襄  
成會得錢六百餘緡僉推吳葆宸董其事興工于  
辛卯九月告竣于壬辰三月拓址基隆殿宇更新  
而光大之落成之下命余勒紀巔末以留建溪掌  
故之一於是訪諸父老之傳聞採諸郡邑之志乘  
遂不搆固陋而為之記銘曰維此名區正位辨方  
是究是度是惟舊章色法上圓製模下矩周望原



隰倪臨烟雨暑來寒往地久天長神哉華觀永配

無疆

伴竹軒集

保佑觀

縣南十五里 徐志

天鑿觀

縣西南二十里 徐志

碧水觀

縣西南三十里 徐志

青陽觀

縣西南四十里 徐志

甯德觀

縣西二十里國甯寺右嘉慶二年敕建咸

豐四年重修 徐志

永甯觀

縣西二十里 徐志

蓬萊觀

縣西二十五里廣德湖之望春山先是白

龍祠側有道堂立郡守樓昇生祠有道士奉香火

紹興十三年請象山廢觀為額宋樓鑰撰記寶慶志

解福宮 縣西南六十里元統間道士周石田建今

廢成化志

雲濤觀 縣西南五十里它山堰旁宋嘉定十二年

賜額遺德廟屬焉 國朝同治二年里人朱志懋

重修今稱東嶽宮延祐志

明楊承鯤雲濤觀望雨詩樓雨當晨劇山雲入幙

流行人畏相失棲翼漫含愁竹覆丹崖暝江喧紫

殿秋坐吟思埭石勝蹟至今留

都神殿在定山  
橋祀五方治應  
之魁張元伯劉  
元達趙公明鍾  
士秀火文葉等  
五人說見大洞  
治瘴錄中

周應辰宿雲濤觀詩尋春易得暝抵宿上雲樓月  
暈兼燈動灘聲度枕幽道心今夜長清話幾更休  
勝有凌虛夢溪山已卧游

小溪義塔 兩座在道德廟西嘉慶十一年里人徐  
大成建兩座在定山橋之原土名廟基咸豐四年  
里人徐昌鎮朱際清等捐建 周志

代理鄞縣正堂宋 為給示曉諭事據職員徐昌  
鎮朱際清徐昌熙朱志宋徐兆蓉朱志懋毛顯鏞  
朱立選呈稱嘉慶十一年間有故儒徐大成在定  
山道德廟之西建造石冢兩座每年收拾骸骨兼

收路斃從此它山之南掩埋得有所歸而它山之  
北光溪一帶人居稠密骸骨路斃亦復多多收藏  
無地前經故職朱立漳倡議於它山北添建義冢  
兩座以便南北分收不想有志未逮不克終事今  
職等遵照前議募資建冢於它山北向定山橋之  
原土名廟基並將道德廟之西因舊冢年遠坍塌損  
捐費一律修整完固并買民地二畝零收花生息  
以充南北兩處收拾資費惟建修義冢掩埋骸  
本屬善舉第恐就近不法匪徒藉端滋事叩請給  
示勒石曉諭以垂永久等情到縣據此除批示外

善

實

合行給示勒石曉諭為此示仰該處諸色人等知悉爾等當思捐建義冢掩埋骸骨為善舉自示之後如有不法棍徒藉端滋事定即查提到縣從嚴究辦決不寬代各宜凜遵特示咸豐四年十一月日給

義山 一在西山潘畧共五十七畝雍正八年佑聖觀道士吳乾陽及士民章炳等公置四十七畝巡道孫詔又捐置十畝觀察孫詔記

錢志

一在西山鳳畧市山八畝五分乾隆四十二年知

府徐崑捐置

錢志

一在西鄉潘墨山六畝零道光十三年體仁局董  
事趙存洵等捐置 周志

一在西鄉河盡埤六畝道光十五年葉仁捐置 周志

一在西鄉念畝埤二十畝道光十五年餘慶堂徐

捐置 周志

一在西鄉黃扣十三畝零道光十七年巡道周彥

捐置 周志

一在西鄉楊梅灣六分畝豐元年林春洛捐置 周志

一在西鄉謝畧楊家埤五畝零咸豐四年汪海良

捐置 周志

一在西鄉念畝坪一畝零體仁局捐置 周志

一在西鄉陳家灣二畝零汪祖耿捐置 徐志

一在西鄉河蓋埠頭六畝零體仁局捐置 徐志

一在西鄉畫樹街九畝零體仁局捐置 徐志

一在西鄉應家觀二畝體仁局捐置 徐志

一在西鄉石馬灣三畝零體仁局捐置 徐志

一在西鄉陳家灣三畝八分體仁局捐置 徐志

明縣令柴竹崖墓 縣西南五十里小溪柴家河 新





完山遺德新廟從祀攷

庚寅夏六月余奉 府憲命同浚古小溪港迄十月

告成迺定遺德新廟從祀之議深懼荒落滋惑後來  
謹疏而意別為之攷博正君子得以參而正之舊祀  
三人宋魏吉州著完山水利備覽元王總管修至正  
續志 國朝全吉士創浚復河渠議新祀四人 府

憲與陸君浚復古小溪港南自東浦橋北自周大悲  
橋灌溉君田數百頃我先王父禮鈞公倡興里役會

民

以其餘資歲浚小溪港先君賢智公創設大義會職  
司新碶施家浦碶兩碶開夫工食並稟府勒石以垂

久遠虞宋殿記

舊祀三人

宋直秘閣知吉州軍州事兼管內勸農使魏公峴祀

中室一

元慶元路總管王公元恭祀中室二

國朝翰林院庶吉士全公祖望祀中室三

新祀四人

國朝甯波府知府胡公元潔祀東室一

國朝翰林院編修陸公廷黻祀東室二

國朝迪功郎柴公禮鈞祀西室一

國朝雅進士柴公賢智 祀西室二

